

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA BREZA  
OPĆINSKO VIJEĆE

Na osnovu člana 11. Zakona o javno privatnom partnerstvu („Službene novine Zeničko-dobojskog kantona“ broj 6/16), člana 13. stav 3 Zakona o principima lokalne samouprave („Službene novine FBiH“ broj 49/06) i člana 19. stavovi 2. i 5. Statuta Općine Breza („Službeni glasnik Općine Breza“, broj:8/09)-Prečišćeni tekst, Općinsko vijeće Breza na sjednici, održanoj dana \_\_\_\_\_ 2018. godine, donosi:

## **O D L U K U**

### **o usvajanju planova potencijalnih projekata javno-privatnog partnerstva**

#### **Član 1.**

Općina Breza kao javni partner u skladu sa odredbama Zakona o javno-privatnom partnerstvu utvrđuje Srednjoročni plan potencijalnih projekata javno-privatnog partnerstva za period 2018.-2020. godina (Prilog 1) i Plan potencijalnih projekata javno-privatnog partnerstva za 2018. godinu (Prilog 2).

#### **Član 2.**

Predmet javno-privatnog partnerstva (JPP), odnosno projekat koji se može uvrstiti u srednjoročni/trogodišnji i godišnji plan potencijalnih projekata JPP minimalno ispunjava sljedeće kriterije:

- Javna usluga koja je predmet potencijalnog JPP projekta je u nadležnosti javnog partnera koji priprema srednjoročni i godišnji plan JPP projekta.
- Potencijalni JPP projekat proizilazi iz jednog ili više sektora za koji postoji projektno-tehnička dokumentacija.

#### **Član 3.**

Planovi projekata javno-privatnog partnerstva prilog su ove Odluke i čine njen sastavni dio.

#### **Član 4.**

Odluka stupa na snagu danom objavljivanja u „Službenom glasniku Općine Breza“.

Broj: \_\_\_\_\_

Breza, \_\_\_\_\_.2018. godine

PREDSJEDAVAJUĆI  
Općinskog vijeća Breza

Jusić Vedad, s.r.

## **Obrazloženje**

### **PRAVNI OSNOV:**

Na osnovu člana 11. Zakona o javno privatnom partnerstvu („Službene novine Zeničko-dobojskog kantona“ broj 6/16) koji glasi: „javni partner dužan je izraditi srednjoročni (trogodišnji) i godišnji plan potencijalnih projekata JPP-a na način propisan ovim Zakonom“, člana 13. stav 3 Zakona o principima lokalne samouprave („Službene novine FBiH“ broj 49/06) koji glasi: „Vijeće u okviru svoje nadležnosti donosi razvojne, prostorne i urbanističke planove i programe, te provodbene planove, uključujući zoniranje“, i člana 19. stavovi 2. i 5. Statuta Općine Breza („Službeni glasnik Općine Breza“, broj:8/09)-Prečišćeni tekst, koji glasi „općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine, i “donosi razvojne , prostorne i urbanističke planove i programe, te provedbene planove, uključujući zoniranje“.

### **RAZLOZI DONOŠENJA:**

Donošenjem Zakona o javno-privatnom partnerstvu („Službene novine Zeničko-dobojskog kantona“, broj:6/16) i usvajanjem Uredbe, kreiran je pravni okvir za primjenu modela javno-privatnog parterstva na području Zeničko-dobojskog kantona. Zakon o javno-privatnom parterstvu u članu 11., kao i u članu 31. Stav 3.i 4. , kao jedna od prvih obaveza, propisuje pripremu, usvajanje i dostavljanje Ministarstvu za privredu godišnjih i trogodišnjih planova potencijalnih projekata javno-privatnog partnerstva za sva javna tijela sa područja Zeničko-dobojskog kantona.

Na osnovu dostavljenih programa, Ministarstvo za privredu će godišnje i trogodišnje planove potencijalnih JPP projekata, pripremljene u skladu sa Zakonom o JPP, objediniti u tzv. "Katalog projekata JPP Zeničko-dobojskog kantona" koji će biti finansijski podržan iz budžeta Kantona, projekti će biti sistemski promovisani od strane Kantona te biti osnova za iniciranje potencijalnih investitora u realizaciju ovih projekata, pa se predlaže općinskom vijeću Breza da prijedlog Odluke usvoji u predloženom obliku.

Služba za privredu